

Ki he: Kāingalotu kotoa pē ‘i he ‘Ēlia ‘Amelika Tokelau Tonga-hihifō

Mei he: Kau Palesitenisī ‘o e ‘Ēlia ‘Amelika Tokelau Tonga-hihifō

Kaveingá: Ko hono Ako ha Lea hono Uá / EnglishConnect

‘Aho: 15 Sune 2025

---

Si‘i Kāinga ‘Ofeina,

‘Oku mohu tāpuekina hotau ‘ēliá ‘i he anga fakafonua mo e lea kehekehe. ‘Oku ‘omi heni ha ngaahi faingamālie toputapu ke tau tupulaki faaitaha ai ko e kau ākonga ‘o Sīsū Kalaisí.

Ke fakamālohia hotau ngaahi ‘apí, uōtí, mo e tukui koló, ‘oku mau poupou‘i atu ai ‘a e kāingalotu kotoa pē ke mou ako ha lea fika ua. Ki he tokolahi, ‘oku ‘uhinga ‘eni ke fakatupulaki ‘enau lea faka-Pilitāniá. Ke poupou‘i e ngāue ko ‘ení, ‘oku ‘omai ‘e he Siasí ‘a e EnglishConnect—ko ha polokalama ta‘etotongi ‘oku ma‘u fakafou ‘i he ngaahi siteiki fakalotofonuá, pea ‘atā ki he kakai kotoa pē, ‘o tatau ai pē pe ‘oku mēmipa ‘i he Siasí pe ‘ikai. Ki ha fakamatala lahi ange kau ki he ngaahi kalasi EnglishConnect ‘i homou ‘ēliá, kātaki ‘o ‘eke ki homou kau taki fakalotofonua ‘i he Siasí.

‘E lava ‘e he ako ‘o e lea faka-Pilitāniá ‘o tāpuekina ‘a e mo‘uí ‘aki ‘a e:

- Ngaahi faingamālie ngāue lelei ange
- Ngaahi fāmili mālohi ange
- Ngaahi founa lahi ange ke tokoní
- Tupulaki ‘a e loto-falalá mo e anga fakatōkilaló

Kapau ko e lea faka-Pilitāniá ‘a ho‘o ‘uluaki leá, ‘oku mau fakaafe‘i koe ke ke fakakaukau ke ako ha lea ‘e taha, tautautefito ki ha lea ‘oku faka‘aonga‘i ‘i homou koló. ‘I hono fai iá ‘oku tau lava ai ‘o fetu‘utaki lelei ange mo kinautolu ‘oku tau feohí.

‘Oku ako‘i ‘e he Tohi ‘a Molomoná, “... ‘oku totonu ke nau sio ki mu‘a ‘i he loto pē taha, ‘o ma‘u ‘a e tui pē taha mo e papitaiso pē taha, pea ke taha honau lotó ‘i he uoungataha mo e fe‘ofo‘ofani” (Mōsaia 18:21).

‘Oku mau fakamo‘oni ‘e tokoni‘i kitautolu ‘e he ‘Eikí ‘i he ‘etau feinga ke femahino‘akí. ‘I he ‘etau fakatupulaki ‘etau ngaahi taukei ‘i he lea fakafonuá, ‘e tāpuekina ai ‘etau mo‘uí, fakamālohia ‘a e Siasí, pea langaki hake ai hotau tukui koló.

‘Ofa atu,

Kau Palesitenisī ‘o e ‘Ēlia ‘Amelika Tokelau Tonga-hihifō

Jose L. Alonso, Palesiteni

Michael A. Dunn, Tokoni 1

Jonathan S. Schmitt, Tokoni 2

Aroldo B. Cavalcante, ‘Asisiteni ki he Kau Palesitenisī Faka‘ēliá

Sergio R. Vargas, ‘Asisiteni ki he Kau Palesitenisī Faka‘ēliá